



國立中央圖書館 NATIONAL CENTRAL LIBRARY TAIWAN ROC





3379875 -1



孝經總序

於乎大哉孝經其先聖之微言乎  
彼視爲蒙穉之習而弁髦之者固  
無論已若謂孔子發五等始終之  
義於曾子以教人亦井天管豹之  
見其於聖人自趣均之乎贖觀而  
聾聽哉蓋聖人立言指近而遠詞



約而博匪可以寡邇窺者孔子剛  
述六經匡持理道參贊化育詳且  
悉矣又慮夫天下後世求派遺源  
而不知大經大法之要故諄諄曾  
氏發明孝行示天下後世治平之  
準萬化之源焉耳觀其首曰先王  
有至德要道以順天下民用和睦

繼曰明王之以孝治天下如此其  
旨掀揭炳灼無或揜覆他尚何疑  
哉慨自二帝三王而降惟漢舉孝  
廉治稱近古訖至歷代猶有孝經  
科制迨王安氏與司馬構隙因其  
崇尚古文遂挾私論廢而不用聖  
人孝治之意遽爾湮泯洪惟我



太祖高皇帝首倡孝順父母狗鐸警民  
成祖文皇帝繼纂孝順事實垂訓斯世  
列聖相承孝益丕顯今

上篤孝

兩宮化由身率重熙累洽媲美虞周海  
內士庶孝悌踵接迺有仁和文學  
朱子漸鴻孝鍾天予彌老彌堅既

竭躬行復研經傳積有年勤類彙  
成集曰石臺孝經所以尊古制也  
曰直解句解大義訓釋崇先儒也  
曰解意會通通言集靈樂同志也  
曰集解直解經書孝語等說附已  
意也嗟夫文學之用心亦云屢矣  
復梓而傳之無乃穎封人意乎抑

竊有得於孔子之心法乎四方儒  
碩必能諒之愚則未敢知也第斯  
經既爲治準爲化原其所關世教  
大矣儻

明聖邁之賢執政表而章之講肄諸史  
館誦習諸學宮頒布諸天下與五  
經四書同列科制既以孝導民更

以孝試士則孝治之會端在今日  
豈特子漸之幸哉迺斯經之幸也  
亦孔曾之幸也茲非愚臆說孔曾  
傳經之旨如是云爾若徒曰古文  
今文章第與諸家相評詰陋矣夫  
其說經也是則子漸得之矣

孝經序

先王以孝治天下舊矣漢近古  
帝號率以孝稱我

明則以孝上號

列后重化原也然孝之說詳在孝經

自宋執政定科制置孝經不用

學士大夫始以爲童習亡奇弁



髦之矣子不云乎吾志在春秋  
行在孝經夫春秋法至嚴爲亂  
臣賊子作也孝經則道之愛道  
之敬蓋曰出於孝必入於法譬  
之狂瀾既倒以春秋爲隄防而  
孝經乃其所導而歸之海也經  
曰聖人因嚴以教敬因親以教

愛其所因者本也夫曰因則非  
強世曰本則非外鑠我明于因  
與本之說而孝之心不油然而  
而世治吾不信也今

上孝奉

兩宮以德教刑四海與虞舜周文同

一轍純奉





命撫浙遵

高皇帝勸民御製爲歌冀與民更新

而日鯁鯁懼無能承

德意萬分一也會朱文學鴻臚諸家

孝經付之梓梓成且布浙人士

而

太學以購孝經

請矣是孝治之會也若曰卑之無甚

高論猶馳騁鄭衛之鄉而曲終

奏雅其誰聽之謂

聖化何文學不分經傳不次章第則

善說經之談也

萬曆丙戌秋八月朔日關西溫

純撰



孝經序

余觀孝經中契謂陽衢乘紫麟下  
告地主要道之君後牟麟至口吐  
圖文竊疑其爲怪誕不足徵之詞  
然孔子嘗曰吾志在春秋行在孝  
經春秋成而麟出孝經成而圖文  
見何足惟也漢世表章經術而孝



TIFFEN Color Control Patches

of the ColorCheck 200

Blue Cyan Green Yellow Red Magenta White Black

經一書出之孔壁列之東觀薦紳  
先生類能言之迨中元間令期門  
羽林悉通孝經章句豈不斌斌乎  
盛哉嗣是仇覽以之化頑顧懼以  
之却病誠孝之極可謂神人充足  
多焉宋金陵氏立明經取士之法  
而孝經一書不列學官相沿以至

于今未有表而章之者遂使孔曾  
相傳之微言竟等之士苴弁髦且  
不得與呂不韋月令之書金傳于  
世學士大夫袖手而語良知抗顏  
而談性命至庸行本根率以無甚  
高論真之經學不明其害固若是  
烈耶余謂金陵之罪浮於李斯殆

不爲過也文學朱君鴻篤好孝經  
考古今訂異同勒成一家言斯已  
勤矣嗟夫今世浮談侈說之徒以  
繁悅取世資而文學君白首窮經  
猶布衣以老則非經之咎也經學  
不明之咎也藉令以衣弊履穿之  
賢與彼三家六卿較其遲鈍孰軒

孰輕當必有分矣我

皇上孝篤

兩宮刑于四海邇嘉儒臣進孝經註疏  
寘之座右他日倘設孝經之科與  
學庸論孟並列學官則朱生此編  
殆其指南哉

清源蘇藩撰

重刻孝經序

嘗謂布衣粒食忘飽煖之樂被錦擊鮮  
軫珍奇之好玩常喜異人情大抵然矣  
其於誦習經典亦探索詭秘馳心卓絕  
而厭棄平淡醇寔之言見諸躬行務高  
去之節慕非常之勲使人望而震驚聞  
而駭汗用以為快令將反其嗜好而曰  
誦習孝經力行孝弟而已孰不謂為里



卷見童破頑訂句學究叢蒙始事其文  
淺近平易無煩講解誦習無終日之勞  
體驗並庸常之事易忽寢已久矣曾不  
知孔孟之道唯在仁義仁義之行本乎  
孝弟孝行於親則忠行於君弟行於長  
惠行於幼擴之天下國家無不協於理  
道其為五常之本百行之源明甚何可  
易忽是所謂布帛菽粟人舍是無以資

生仁義道德士舍是無以為學天下國  
家舍是又何以施政教臻化理哉余友  
朱君鴻生平純孝篤信是經博求諸本  
考訂異同詳定釋義採輯經語數得大  
義其志意專故探索勤探索勤故體認  
切體認切故造履堅觀於所述而其人  
可知已余恐世之學者終忽略近易而  
馳心遠難不自覺其雄經畔道童而習

之白首而不悟其旨也故為叢諸首簡  
萬曆乙酉初冬仁和張瀚撰



後學梁應樞跋書



孝經廣序

經以孝冠後春秋作假參請業以曾子  
體孝云獲麟終際魯史聿就時作孝經  
鈞命決援孔語云志在春秋行在孝經  
明甚又云春秋屬商孝經屬參是時周  
道衰王綱墜廼說孝經以冀知法者脩  
行知行者謹法云爾顏芝本出世始盛  
傳魏晉齊梁註百衍篋唐崇堯文備存

TIFFEN Color Control Patches



秘府孔鄭兩家參互交播并梁皇侃義疏流布國序明皇集議序書八分京兆石臺遂新崇豔經以陳常孝以首善由天子建庶賤溯唐姚迄勝國曷能舍是興行本治哉政不必迷尚炫以糾釐唯辨惑而臆斷較芝壁之陳藏訂朱吳於則列惟冀

明聖遵行官師崇倣學官加等而訓迪史

氏贊決而講肄執政毋迂其談守臣不卑其論則斯經論風勵而革觀輔刑書以肅倣况乎

祖訓莫陳元良懌愛居重華寧慶之年洽兩宮聖善之衷爾已文學朱子漸鴻格志孤齡躬奉天則厭捐末學體尚志本搜羅舊藏網綜細說初訂經言推叙羽翼純正者宿諍定古今不肯師說不剽浮





辭遂令家塾儀規尋而州司欽重高賜  
粟帛榮其冠幘

大府重臣加額縣旌元勲大雅敷文獎  
賞異日者携以疏

聞徵副

國典紹天寶而永徽忠金陵以補闕千秋  
倚爲民鑑六莪資云行端豈須集正於  
馬貞亦已合裁於購相釐註解而訂頑

掃道學以扶廓天經地義斧石木而暢  
宣要道至德光

帝謨以竊理其非小補不墜斯文自東吳  
以興倡嗣鄒魯而遐教首善在茲作人  
伊始子漸之勤易年一日刑于汝濱廣  
於江漢詎不盛矣哉文成殺青時復著  
續則又其老不廢惕取就道正之意云  
爾

萬曆丙戌楊月谷水蛟陽居士表福徵  
謹書



古今羽翼孝經姓氏

列國魏文侯 孝經傳

漢 劉向 傳今文孝經

江翁 著孝經說

翼奉 法孝經說

孔安國 傳古文孝經有闕門一章 魯國三老 獻古文孝經

衛宏 校古文孝經皆傳官無其說 鄭衆 註今文孝經

馬融 註古文孝經 高誘 作孝經解

鄭玄 注今文孝經 孔光 註孝經

長孫氏 李經說二篇有闕門一章

后蒼 注孝經說

張禹 五家皆傳孝經各自名家

魯國三老 獻古文孝經

鄭衆 註今文孝經

高誘 作孝經解

孔光 註孝經



何休

注訓孝經

許慎

撰具孝經一箱

三國章昭

注孝經一卷

王肅

注孝經一卷

蘇林

注古文孝經

孫熙

注古文孝經

何晏

注古文孝經

劉邵

注古文孝經

嚴峻

孝經傳注

太史叔明

孝經義一卷

梁有晉

孝經一卷

宋均

孝經傳注

晉

謝萬

集解孝經

虞盤佐

孝經注

虞翻

孝經注

殷仲

孝經注

文叔道

孝經注

徐整

孝經注

魏克己

孝經旁訓

袁敬仲

孝經集文一卷

荀昶

撰集孝經諸說

孫昶

孝經集解

范曄

鄭志

註今文孝經

虞喜

孝經注

楊泓

孝經注

車胤

孝經講義疏

何約之

孝經講義疏

孫氏

孝經注

庾氏

孝經注

荀勗

孝經集解

何承天

孝經注

陶淵明

五等傳贊

祁嘉

撰孝經作二九

釋慧琳

孝經注

齊陸澄

孝經注

梁武帝

撰制旨孝經義疏十八卷

簡文帝

孝經五卷

皇侃

撰孝經義疏三卷

賀瑒

孝經注

王玄載

孝經注

沈文阿

孝經義疏

明僧紹

孝經注

嚴植之

蕭子顯

孝經敬愛義一卷

張陵

孝經義八卷

劉真簡

孝經說

趙景韶

孝經義一卷

徐孝克

孝經講義八卷

陶弘景

孝經集說

孔僉

孝經講義

張士儒

演孝經十二卷

袁宏

孝經注

魏陳奇

孝經註疏

盧景裕

孝經說

明山賓

孝經說

沈麟士

孝經要畧

周樊深

孝經問疑

熊安生

孝經義疏

高麗國

進孝經別叙一卷 赴王孝經新義八卷

陳顧越

孝經序論

北齊李鉉

孝經義疏

賈公彥

孝經義疏

任希古

孝經義疏

隋劉炫

作稽疑一篇 孝經述義五卷

劉綽

作孝經疏

張冲

孝經義三卷

魏貞克

孝經訓

明克讓

孝經義疏

日本僧裔

獻孝經

新羅

歐別叙孝經五代以來孔鄭注皆亡  
士問顯德末二國獻者即鄭注

南史陳王元規

孝經義疏  
二卷

北史何妥

孝經義疏

唐玄宗自註孝經

孝經制旨

御書石臺孝經

陸德明 孝經釋文

孔穎達

孝經孝疏

謝諤 撰孝經五十卷

平真春

孝經義

李嗣真 孝經摘要

劉子玄

孝經註疏

徐浩

撰孝經十卷

元行冲

孝經疏

尹知章

孝經註

李迢

孝經章句

王元感

孝經註

王漸

孝經義五十卷

徐孝克

講義六卷

周 皇靈孝經

宋太宗淳化御書孝經

高宗紹興御書孝經

蘇彬

孝經疏一卷

邢昺

孝經正義三卷

司馬光

古文孝經  
摘解二卷

趙克孝

孝經傳一卷

TIPPEN Color Control Patches

Blue Cyan Green Yellow Red Magenta White A Color Black

孝經考

四

任奉古

孝經講疏

張元老

孝經講義一卷

范祖禹

古文孝經說一卷

呂惠卿

孝經傳一卷

王介甫

孝經解

吉觀國

孝經新義一部家滋解義二卷

杜鎬

集孝經諸說

方逢辰

孝經解

何初

孝經解

胡子實

孝經註

王文

藏孝經評解一卷

林椿齡

孝經全解一卷

沈處厚

孝經解一卷

趙湘

孝經義一卷

張師尹

孝經通義三卷

張九成

孝經解一卷

洪興祖

古文孝經序註

李克孝

孝經註義

朱文公

定古文孝經朱中註

刊誤孝經

董昌註

胡一桂

孝經傳贊

黃幹

孝經本旨

項安世

孝經說一卷

馮椅古

孝經輯註古文解

袁廣微

孝經講義三卷

楊簡

古文孝經解

王行

孝經同異三卷

袁甫

孝經說三卷

無名公

孝經直解

王恂

藏孝經解義

程全一

進孝經解

林獨秀

進孝經指解

趙湘

進孝經義

元

吳草廬

校古今文孝經自註

李孝光

孝經義疏



漢志八家一十二篇

隋志十八部今六十三卷

唐志二十七家三十六部  
八十二卷

宋三朝志六部十卷 兩朝志 二家七十九卷

四朝志 六部五卷 中興志 二十一家  
二十九卷

緯書云孝經四卷授神契云孝經有五十九卷梁阮孝緒七錄載孝經部五十九種五十九秩一百四十四卷晉祁嘉至孝通神集三十卷師覺授撰孝子傳八卷

皇明

太祖高皇帝 教民榜文

成祖文皇帝 孝順事實

孫賈 孝經集善宋景濂公序文 王偉 孝經集說自序

山東王府刊孝經 註疏十二卷  
御史部註

沈易 孝經旁註 章品 孝經重定傳註

周木 新考定古今  
孝經詳次 潘府 孝經正誤

余時英 孝經集義 汪宇 孝經考誤集解

朱鴻 列集孝經諸說五卷家塾孝經附聽  
說賢疑孝經解經書孝語會子考實

TIFFEN Color Control Patches

Blue Cyan Green Yellow Red Magenta White Black

沈淮

孝經會通自序

黃金色

孝經古文

柯遷之

孝經考定古文

陳堯道朱鼎材

孝經考註

孫本

孝經說

虞淳熙

孝經通言附提綱目錄各一卷

韓世能萬曆丙戌進孝經



素志彙集孝經以公同好但經殘世遠  
僅得宋元板朱吳孝經不敢私臧益以他  
解之明白顯易者為五卷合鄒聞三卷共

為一套用護端倪倘沐積書高賢增益以  
附鄙集闡明聖道羽翼孝經典起後學詎  
非人生一大快哉其先後姓氏或有顛倒  
遺漏尚俟再考另梓

仁和後學朱鴻頓首拜撰

此朱子漸丐孝經諸疏語也昔澆花叟丐  
一絲兩絲無補先王之法服倘仁孝君子  
惠子漸一卷兩卷先王之法言滿天下矣  
且懸金而購者潔士耻負書趨之子漸特





嘑嘑以丐爾即授萬卷不為貪獨不聞王  
漸沿門誦義尹夢龍散千本鄉人者乎語  
云重裘非一狐之腋願相與成焉所臚姓  
氏多未盡蓋唐開寶時已滿百家越人何  
知章甫第予之而已雖然朱子漸純孝光  
於四海四海之內各以其書來集斯無所  
不通之常經余何言哉  
萬曆丙戌孟秋廬中人虞淳熙稽首跋

孝經目錄

明仁和後學朱鴻總撰

錢塘後學馮子京總閱

漢孝經

今文直解列大夫中壘校尉劉子  
政向所定用顏芝本一十八章至  
今天下傳誦向以經文比古文除  
其繁惑而文勢曾不若今文之順  
原有闕門等句唐司馬貞削之其

題名皆後世所加非向原本其直  
解不知何世何人爲之

唐孝經

隸書石臺

玄宗皇帝御製序弁誌其註以鄭玄爲宗

宋孝經

朱文公定古文用孔壁本大約備  
今文語止辭句字眼增減微有不  
同有闕門一節不列章第止用右  
今文以爲其章朱中逐句註之謂

之句解此宋板也鴻再梓以傳

朱文公取古文孝經刊其誤者考

正其章次定爲經一章傳十四章

原本此一節釋至德以順天下之

意當爲傳之首章下做此今傳本

云右經一章右傳之首章之類皆

後人因朱子所定而移易之加以

此言也元董鼎註未得元板翻成

化時板皆未定之筆故文公不註

元孝經

吳文正公校定經依文公刊誤爲一章傳依今文爲十二章遵文公刊誤以今文古文校其同異定爲此本其傳文章次因文公所定更爲次其先後歷觀唐註宋躡及諸解其說雖詳其義亦有未明暢者乃輯此訓釋畀子文受讀初不欲其傳門人張恒請梓係元板鴻重

大明孝經

翻

孝經集善孫君賈仲衍所集金華宋文憲公撰序

孝經集說行中書右丞公議刻義烏王忠文公撰序

孝經集義新安余時英集中順大夫江山趙鐘撰序已上三集侯獲補刊

家塾集解後學朱鴻序次原宗文

公刊誤合古今文校正之意以孝  
治爲宗故列明王等章於首不分  
經傳不次章第蓋復孔曾之舊也  
鴻考古今諸本爲集解間附己意  
又者質擬臆說孝經大旨

孝經會通亞中大夫沈淮序次亦  
不立經傳不分章第止列先後序  
次一十五條遵文公序次意也  
孝經彙言進士虞淳熙注遵今文

惟闡孝道之大亦去題名章第經  
傳內列傳宗圖全孝圖提綱彙目  
集靈等說

孝經解意奉政大夫孫本所解遵  
孔壁古文以孝治天下爲宗敷宣  
諸侯卿大夫士賤治之孝亦去章  
第題名經傳附孝經說併釋疑

經書孝語凡五經四書內闡孝道  
語者鴻條記句錄集以成帙蓋慮

世之肄舉子業者專於一經習家  
 人業者艱於博覽故彙輯以便編  
 習俾凡為人子者一展卷而可盡  
 得之蓋亦由象識心之意云尔豈  
 徒便蒐檢而已哉則雜著十卷附  
 入各彙前後  
 嗚呼孝經豈易言哉經曰孝弟之至通於神明  
 光於四海無所不通而復徵文王之詩信乎言  
 之不易矣即聖如虞舜周文身踐之而不敢謂  
 盡其義賢如考亭<sub>章</sub>盧累正之而不敢謂得其

旨况厄於蠶蠹鑿於溪疏踳駁於唐之百家又  
 卑視於宋之金陵不列學官不以試士經之傳  
 於世者鮮矣鴻有志是經彙輯諸本聊以漢唐  
 宋元明白顯易者僅列五卷復刊家彙集解孝  
 經會通經書孝語各一卷互相闡發猶慮微言  
 大旨鬱而未宣繹思文公諸賢以事親之旨明  
 經則孝屬人子一身而旨多不切若統觀一篇  
 大義或取明王孝治為宗則儀刑四海而得萬  
 國歡心且聖人之道體用一原顯微無間但舉



孝字而道統治盡在其中彼解意邈言知孝  
之大者也雜著等篇衍孝之相者也嗚呼孝豈  
易言哉天下必有道德高賢領書世室苟因心  
錫類增益以補鄙集闡明聖翅羽翼是經典起  
後學何幸如之

宋孝經 范蜀公進孝經說專用古文

司馬溫公進指解專用古文二書

皆藏秘閣

雜著

守子孝經

守子孝經

守子孝經

守子孝經

守子孝經

守子孝經

嗚呼孝經豈易言哉經曰孝弟之至通於神  
明光於四海無所不通而後徵文王之詩信  
乎言之不易矣即聖如虞舜周文身踐之而  
不敢謂盡其義賢如考亭草廬累正之而不  
敢謂得其旨况厄於蠹燼鑿於漢跡跡駁於  
唐之百家早視於宋之金陵所以不列學官  
不以試士經之傳於世者鮮矣鴻彙輯諸本  
謹梓漢唐宋元明顯醇正者五卷  
國朝名家及鄙說亦五卷仍續經書考語集靈

互相開發鴻尚慮微言真旨鬱而未宣每繹  
思文公諸賢專以事親之旨明經則孝屬人  
子一身旨疑未切若統觀大義取明王孝治  
為宗則刑于四海得萬國歡心解經之意各  
有歸也嗚呼聖人之道體用一原顯微無間  
但舉孝字而道統治統盡在其中彼解意通  
言知孝之大者雜著等篇村孝之緒者孝豈  
易言哉天下道德高賢藏書世室不靳增益  
以補斯集羽翼聖經興起後學何幸如之

孝經

御製序并註及書

皇太子臣亨奉  
勅題額

朕聞上古其風朴略雖因心之孝已萌  
而資敬之禮猶簡及乎仁義既有親譽  
益著聖人知孝之可以教人也故因嚴  
以教敬因親以教愛於是以順移忠之  
道昭矣立身揚名之義彰矣子曰吾志  
在春秋行在孝經是知孝者德之本歟

經曰昔者明王之以孝理天下也不敢  
遺小國之臣而况於公侯伯子男乎朕  
嘗三復斯言景行先哲雖無德教加於  
百姓庶幾廣愛刑於四海嗟乎夫子沒  
而微言絕異端起而大義乖况泯絕於  
秦得之者皆煨燼之未溫觴於漢傳之  
者皆糟粕之餘故魯史春秋學開五傳  
國風雅頌分為四詩去聖逾遠源流益

別近觀孝經舊註踏駁尤甚至於跡相  
祖述殆且百家業擅專門猶將十室希  
升堂者必自開戶牖攀逆駕者必騁殊  
軌轍是以道隱小成言隱浮偽且傳以  
通經為義義以必當為主至當婦一精  
義無二安得不翦其繁蕪而撮其樞要  
也韋昭王肅先儒之領袖虞翻劉邵抑  
又次焉劉炫明安國之本陸澄譏康成



之註在理或當何必求人今故特舉六  
家之異同會五經之旨趣約文敷暢義  
則昭然分註錯經理亦條貫寫之琬琰  
庶有補於將來且夫子談經志取垂訓  
雖五孝之用則別而百行之源不殊是  
以一章之中凡有數句一句之內意有  
兼明具載則文繁略之又義闕今存於  
疏用廣發揮

孝經

開宗明義章第一

仲尼居

仲尼孔子字居

曾子侍

曾子孔子弟子侍

子曰

先王有至德要道以順天下民用和睦上下無

怨孝者德之至道之要也言先代聖德之主能順天下人心行此至要之化則上下臣人和

怨無汝知之乎曾子避席曰參不敏何足以知

之參曾子名也禮師有問避席起答敬子曰夫

孝德之本也人之行莫大於教之所由生也

而從孝復坐吾語汝曾參起對身體髮膚受之父母

闕人游英梓



子侍

子侍

子侍

子侍

子侍

子侍

子侍



之註在理或當何必求人今故特舉六  
家之異同會五經之旨趣約文敷暢義  
則昭然分註錯經理亦條貫寫之琬琰  
庶有補於將來且夫子談經志取垂訓  
雖五孝之用則別而百行之源不殊是  
以一章之中凡有數句一句之內意有  
兼明具載則文繁略之又義闕今存於  
疏用廣發揮

孝經

開宗明義章第一

仲尼居

仲尼孔子字居處開居

曾子侍

曾子孔子弟子侍謂侍坐

子曰

先王有至德要道以順天下民用和睦上下無

怨孝者德之至道之要也言先代聖德之主能順天下人心行此至要之化則上下臣人和

怨無汝知之乎曾子避席曰參不敏何足以知

之參曾子名也禮師有問避席起答敬之遠也言參不達何足知此至要之義子曰夫

孝德之本也人之行莫大於孝故為德本教之所由生也

從孝復坐吾語汝曾參起對身體髮膚受之父母生

闕人游英梓

母不敢毀傷孝之始也

父母全而生之已當全而歸之故不敢毀傷

立身行道揚名於後世以顯父母孝之終也

立身行此孝道自強名揚後世光榮其親故行孝以不變為先揚名為後夫孝始於

事親中於事君終於立身

言行孝以事親為始事君為中色孝道若

乃能揚名榮親故曰終於立身也大雅云無念爾祖聿脩厥德

### 天子章第二

子曰愛親者不敢惡於人也敬親者不敢慢

於人也廣敬盡於事親而德教加於百姓刑

於四海刑法也若行禮愛敬之道使人皆不慢惡其親則德教加於天下當為四夷

則也蓋天子之孝也廣大此略言之甫刑云

一人有慶兆民賴之甫刑即尚書召刑也一人天子也慶善也十德曰兆

義舉天子行孝兆民皆賴其善

### 諸侯章第三

在上不驕高而不危諸侯列國之君貴在人上可謂高矣而能不驕則危

也制節謹度滿而不溢行禮法謂之謹度無禮

為屬者泰為溫高而不危所以長守貴也滿而不溢所

以長守富也富貴不離其身然後能保其社稷

而和其民人列國皆有社稷其君主而祭之官當常在其身則長為社稷之主  
而人自蓋諸侯之孝也詩云戰戰兢兢如臨深淵如履薄冰戰戰兢兢戰戰戒慎臨深恐墜履薄恐陷憂取為君恒恐戒慎

卿大夫章第四

非先王之法服不敢服服者身之表也先王制

非先王之法言不敢道先王制法不致階上而下非先王之法言不敢道非先王

之德行不敢行法言謂禮法之言德行謂道德之行若言非法行非能則虧孝

無擇言身無擇行言行皆遵法道言滿天下無

口過行滿天下無惡禮法之言為有口過三

者備矣然後能守其宗廟三者謂言行也禮節

夜匪懈以事一人夙早也懈懈也晨取為卿大

士章第五

資於事父以事母而愛同資於事父以事君而

敬同資取也言愛父與故母取其美而君取其

敬與之者父也言事父是故以孝事君則忠

父孝以事於君則為忠矣移事以敬事長則順移事於長則為順矣忠



順不失以事其上然後能保其祿位而守其祭  
記能盡忠順以事君長則蓋士之孝也詩云夙  
常安福位未嘗祭祀與夜寐無忝爾所生

庶人章第六

用天之道春生夏長秋收冬藏舉分地之利別  
五土視其高下各盡謹身節用以養父母謹則  
濟宜此分地利也此庶人之孝也為人  
達莊尊節者則克饒寒故自天子至於庶人孝無終始而患不及  
惟此者末之有也始自天子終於庶人尊卑雖殊孝  
道同故而患不能及者末之有也

言無此理  
故曰未有

三才章第七

曾子曰甚哉孝之大也參聞行孝無跟高卑子

曰夫孝天之經也地之義也民之行也經常也

義孝為百行之首人之恒德若三原天地之經

而民是則之天有常明地有常利言人法則天

之明因地之利以順天下是以其教不肅而成

其政不嚴而治法天明以為常因地利以行義

成理先王見教之可以化民也化見回天地教是



孝

故先之以博愛而民莫遺其親君愛其親則人化之無有遺其

親陳之以德義而民興行陳說德義之興為家所慕則人起心而行

之先之以敬讓而民不爭君行敬讓則人化而不爭導之以

禮樂而民和睦禮以檢其容樂以和其心則和睦矣示之以好惡

而民知禁示好以引之示惡以止之詩云赫赫

師尹良具爾瞻赫赫明明也尹氏為太師周之三公也義取大臣助君行化

人皆瞻之也

### 孝治章第八

子曰昔者明王之以孝治天下也言先代聖明之主以至德

是為孝理不遺小國之臣而况於公侯伯子

男乎小國之臣至卑者耳主尚接之以禮况於五等諸侯是廣敬也故得萬國

之權心以事其先王為國奉其多也言行孝道以理天下皆得權心則各

以其職未勳祭也治國者不敢侮於鰥寡而况於士民

乎理國謂諸侯也鰥寡國之微者君尚不敢輕侮况知禮義之士乎故得百姓

之權心以事其先君諸侯能行孝理得所敬之惟心則皆恭事助其於享

也治家者不敢失於臣妾而况於妻子乎理家

大夫妻妾家之職者妻子家之貴者故得人之權心以事其親大

夫位以封建受祿養親若能孝理其家則得小大之權心助其奉養夫然故生則



親安之祭則鬼享之夫然者無上孝理皆得惟心則存安其祭沒享其祭  
是以天下和平災害不生禍亂不作存安沒享  
人用和睦以致太平則故明王之以孝治天下  
災沓禍亂無因而起言明王以孝為理則諸侯以下化而行之教致如此禍應詩云有覺  
也如此言明王以孝為理則諸侯以下化而行之教致如此禍應詩云有覺  
德行四國順之行對四方之國順而行之

聖治章第九

曾子曰敢問聖人之德無以加於孝乎參聞明王孝理  
以教和平天門聖人子曰天地之性人為貴貴  
德教更有大於孝否其  
物也其人之行莫大於孝孝者德之本也孝莫大於嚴

父萬物貴於乾人倫貴於父為天嚴父莫大於  
說天則周公其人也謂父為天雖無貴賤始以  
曰其昔者周公郊祀后稷以配天后稷自周公故  
人也祀天也周公攝政因行郊宗祀文王於明堂  
立祀天也周公攝政因行郊宗祀文王於明堂  
天之祭乃事始祖以配之也宗祀文王於明堂  
以配上帝明堂天子布政之宮也周公因祀五  
是以四海之內各以其職來祭則德教刑於四  
其職未始祭也夫聖人之德又何以加於孝  
手言無大故親生之膝下以養父母日嚴親獨  
膝下於孝者故親生之膝下以養父母日嚴親獨  
及年長漸識義方則日加尊嚴雖教於父母





也聖人因嚴以教敬因親以教愛

聖人因其親愛敬之教故出以說肖慈而過嚴以教聖人之心教以敬也抑按張痛點余舊說以教愛也

教不肅而成其政不嚴而治

聖人傾軀心以行愛敬制禮則以施政教亦不待嚴肅而成理也

其所因者本也

本謂父子之道天性也君臣之義也以尊嚴又有君臣之義

母生之績莫大焉

父子之道莫大於斯君親臨人倫之道莫大於斯

而愛他人者謂之悖德不敬其親而敬他人者

謂之悖禮

言盡愛敬之道然假施教於人違此則於禮禮為悖也

以順則

逆民無則焉

行教以順人心今自違之則下無所法則也

不在於善

而皆在於凶德

謂其德雖得志於君子則不然

不貴也

言悖其德禮雖得志於君子則不然

君子則不然

言悖其德禮雖得志於君子則不然

也禮言思可道行思可樂

思可道而後言人必悅也德義可尊作事可法

立德行義不違道正故可法也制作事業

故可法也容止可觀進退可度

容止或儀也觀也道退動靜也不

臨其民是以其民畏而愛

之則而象之

其威愛其德皆敬象於下

故能成其德教而行其政令

而法之則德教成政令



行也詩云淑人君子其儀不忒淑善也忒差也義取君子成儀不差

紀孝行章第十

子曰孝子之事親也居則致其敬平居必盡其敬喪則

致其樂就養能致其樂病則致其憂行不正廢喪則致

其哀其哀情注祭則致其嚴明嚴不森五者備

矣然後能事親五者備則未為能事親者居上不驕當

敬以臨敬以臨為下不亂當恭謹以在醜不爭醜衆也

管和順以從衆也居上而驕則亡為下而亂則刑在醜

而爭則兵謂以兵三者不除雖日用三牲之養

猶為不孝也三牲太牢也孝以不毀為先言上

太牢之養國非孝也

五刑章第十一

子曰五刑之屬三千而罪莫大於不孝五刑謂

官大辟也條有三千而要君者無上君者臣所

敬愛之是非聖人者無法聖人制作禮法而

無上也非孝者無親善事父母為孝而此大亂之道也言

有上三惡道惟不孝乃是大亂之道



廣要道章第十二

子曰教民親愛莫善於孝教民禮順莫善於悌

言教人親愛禮順無加於孝悌也移風易俗莫善於樂

樂聲變隨人心正由君德正之與文因樂而彰故曰莫善於樂安上治民莫善

於禮

禮長切之序故可以安上化下也禮者敬而已矣

敬者禮之本也故敬其父則子悅敬其兄則弟悅敬其君則臣悅敬一人而千萬人悅

居上敬下盡得惟心敬也所敬者寡而悅者衆此之謂要道也

廣至德章第十三

子曰君子之教以孝也非家至而日見之也

言不必家到戶至日見而諭之但行孝於內其化自流於外教以孝所以教天

下之為人父者也教以悌所以教天下之為人

兄者也

舉孝悌以為教則天下之為人父兄也教以臣所

以敬天下之為人君者也

舉臣道以為教則天下之為人臣者無不敬其詩云懼悌君子民之父母惟樂也悌易也

君也詩云懼悌君子民之父母

義取君以樂易之道化人則為天下蒼生之父母也非至德其孰能順民如此其大者乎

廣揚名章第十四



子曰君子之事親孝故忠可移於君

以孝事君則忠

兄悌故順可移於長

以敬事長則順

居家理故治可移

於官

君子所居則化故可移於官也

是以行成於內而名立於

後世矣

脩上三德於內名自傳於後代

諫爭章第十五

曾子曰若夫慈愛恭敬安親揚名則聞命矣故

問子從父之令可謂孝乎

事父有隱無犯又故不違故疑而問之

子曰是何言與是何言與

有非而從成父不義理所不可故再言之

昔者天子有爭臣七人雖無道不失天下諸侯

有爭臣五人雖無道不失其國大夫有爭臣三

人雖無道不失其家

降殺以兩尊卑之差爭謂諫也言雖無道為有爭臣

則終不至失天下七家國也

士有爭友則身不離於令名

令善

也蓋者三友言受忠告故不失其善名

父有爭子則身不陷於不

義

父夫則諫故義先陷於不義

故當不義則子不可以不爭於

父臣不可以不爭於君

不爭則忠孝

故當不義則爭

之從父之令又焉得為孝乎

應感章第十六

子曰昔者明王事父孝故事天明事母孝故事

TIFFEN Color Control Patches

ColorChecker 30 Color Munsell Paper

Black White 30 Color Red Magenta Yellow Cyan Blue

地察

王者父事天母事地言能敬事宗廟則事天地能明察也

長幼順故上

下治

君能尊請父先請兄則長幼之道順君人之化理

天地明察神明

彰矣

事天地能明察則神感至誠而降福祐故曰彰也

故雖天子必有

尊也言有父也必有先也言有死也

父謂諸父死謂諸兄

皆祖考之親也禮君宗廟致敬不忘親也言能

宗廟則不能忘其親也

宗廟則不能忘其親也

脩身慎行恐辱先也

天子雖無上特其身謹慎其行恐辱

宗廟致敬鬼神著矣

其先祖而致盛業也

孝悌之至通於神明光

於四海無所不通

能敬宗廟頌長切以極孝悌之心則至性通於神明光於

四海故曰詩云自西自東自南自北無思不服

義取德教流行莫不服義從化也

### 事君章第十七

子曰君子之事上也

上謂君也進思盡忠

退思補過

君有過失則思補益將順其美

行匡救其惡

匡正也教止也君有美善則順而過惡則正而止之故上下能相

親也

下以忠事上上以義接下詩云心乎愛矣遐

不謂矣中心藏之何日忘之

遐遠也義取臣心愛君雖離左右不

謂為遠愛君之志恒

藏心中無日變忘也



喪親章第十八

子曰孝子之喪親也

生事已畢死事未見故發此章哭不依

不意聲禮無容

觸地無容言不文不為文飾服美不安

哀節故聞樂不樂

悲哀在心故不樂也食旨不甘

味故親此哀感之情也

六旬三日而食教民無

以死傷生毀不滅性

此聖人之政也不食三日

禮性而死皆為孝道故聖人制禮絕歡不令至於崩滅

喪不過三年示民

有終也

三年之喪天下達禮使不肖企及賢者皆使夫孝子有終身之憂聖人以三年

為制者使人知有終竟之限也

為之棺槨衣衾而舉之

棺槨

周尸為棺槨

為槨

衣衾

而舉之

周尸為棺槨

為槨

衣衾

而舉之

周尸為棺槨

為槨

衣衾

而舉之

周尸為棺槨

為槨

衣衾

而舉之

周尸為棺槨

為槨

衣衾

而舉之

周尸為棺槨

為槨

衣衾



臣齊古言臣聞孝經者天經地義之極至德

要道之源在六籍之上為百行之本自

文宣既歿後賢所注雖事有發揮而理甚乖舛  
伏惟

開元天寶聖文神武皇帝陛下敦穆孝理躬親  
筆削以無方之

重討正舊經以不測之神改作新注朗然如日  
月之照遺矣合天地之德使家藏其本人習  
斯文善天之下罔不欣戴仍以太學王化所  
先孝經聖理之本分命薛沼待建石臺義展

睿詞書題

御翰以垂百代之則故得萬國之歡今刊勒既  
終功績斯著天文炳煥開七耀之光輝

聖札飛騰奪五雲之氣色煙花相照龍鳳沓起  
實可配南山之壽增北極之尊百察是瞻四  
方正則豈比周官之禮空懸象魏孔氏之書  
但藏屋壁臣之何幸躬親盛事遇

陛下興其五孝忝守國庠率胄子歌其六德敢  
揚文教不勝欣躍之至謹打石臺孝經本分

為上下兩卷謹於光順門奉獻兩本以聞  
臣齊古誠惶誠恐頓首頓首死罪死罪謹言

御批 孝者德之本教之所由生也故親自訓  
注垂範將來今石臺畢功亦卿之善職  
覽所進本深嘉用心

刻石臺孝經跋

蓋聞孝經者聖門傳心之要而其大經大  
法實百王致治之規慨自聖遠言湮經殘  
教弛孝弟之在人心者固自若也漢興以  
來非不能崇尚儒術表章經學棄之何象  
言滄亂斯道行之而不著彞倫攸斃百姓  
自用而不知無惑乎治不古若也唐玄宗  
天寶明廢廟精求治於開元天寶之初親

註疏義書勒辟雍至今稱為石臺孝經云  
夫親為訓註以明孝也書題隸古以尊經  
也列之學宮以示教也可謂得致治之要  
矣雖其脩身齊家鮮克有終然其書迨今  
家傳人誦為蒙習養正之書所以維持世  
教以延唐家三百年之祚未必不基本於  
是也但石臺訓註世不多得學士罕傳吾  
杭朱子漸氏潛心經學三年於茲矣凡以

然考經義無弗旁稽博採畢力致之一旦  
購得茲刻如獲重寶喜而告予曰今人誦  
習孝經皆宗唐本殆未知經之有訓註也  
始得之使讀是書者由訓註而講明之  
服行之經學其庶幾乎予曰然子之志也  
盍措書翻刻以永其傳夫進退百家發揮  
五孝是謂明經愛敬成德因心立本是謂  
明教子漸之刻孝經殫竭心力彙成一家



之言將與儒先子集並行於世是書為不  
浪矣可無贅言以紀其實


萬曆丁亥季春朔日前工部員外郎仁和  
金鐘書



錢塘楊樹穀錄







20230901 NATIONAL CENTRAL LIBRARY, TAIWAN, R.O.C.

